


BAHASA KADAZANDUSUN BUKU TEKS

TAHUN
1

BAHASA KADAZANDUSUN TAHUN 1



RM15.20
ISBN 978-983-49-1143-0
9 789834 911430
BT221003





RUKUN NEGARA

Bahawasanya Negara Kita Malaysia

mendukung cita-cita hendak:

Mencapai perpaduan yang lebih erat dalam kalangan seluruh masyarakatnya;

Memelihara satu cara hidup demokrasi;

Mencipta satu masyarakat yang adil di mana kemakmuran negara akan dapat dinikmati bersama secara adil dan saksama;

Menjamin satu cara yang liberal terhadap tradisi-tradisi kebudayaannya yang kaya dan pelbagai corak;

Membina satu masyarakat progresif yang akan menggunakan sains dan teknologi moden.

MAKA KAMI, rakyat Malaysia, berikrar akan menumpukan seluruh tenaga dan usaha kami untuk mencapai cita-cita tersebut berdasarkan prinsip-prinsip yang berikut:

**KEPERCAYAAN KEPADA TUHAN
KESETIAAN KEPADA RAJA DAN NEGARA
KELUHURAN PERLEMBAGAAN
KEDAULATAN UNDANG-UNDANG
KESOPANAN DAN KESUSILAAN**

(Sumber: Jabatan Penerangan, Kementerian Komunikasi dan Multimedia Malaysia)

KURIKULUM STANDARD SEKOLAH RENDAH

BAHASA
KADAZANDUSUN
TAHUN 1
BUKU TEKS

Penulis

Juliana John
Ivy Evelyn G. Dosity
Founnah Lumabai

Editor

Cliff A. Kamijan
Roslin Sampai

Pereka Bentuk

Josrie bin Haral

Ilustrator

Rosmaini bin Sunarjo



DBP

Dewan Bahasa dan Pustaka
Kuala Lumpur
2016



No. Siri Buku: 0140

KK 499-221-0102071-49-1143-20101
ISBN 978-983-49-1143-0

Cetakan Pertama 2016
© Kementerian Pendidikan Malaysia 2016

Hak Cipta Terpelihara. Mana-mana bahan dalam buku ini tidak dibenarkan diterbitkan semula, disimpan dalam cara yang boleh dipergunakan lagi, ataupun dipindahkan dalam sebarang bentuk atau cara, baik dengan cara bahan elektronik, mekanik, penggambaran semula mahupun dengan cara perakaman tanpa kebenaran terlebih dahulu daripada Ketua Pengarah Pelajaran Malaysia, Kementerian Pendidikan Malaysia. Perundingan tertakluk kepada perkiraan royalti atau honorarium.

Diterbitkan untuk Kementerian Pendidikan Malaysia oleh:

Dewan Bahasa dan Pustaka,
Jalan Dewan Bahasa,
50460 Kuala Lumpur,
No. Telefon: 03-21479000 (8 talian)
No. Faksimile: 03-21479643
Laman Web: <http://www.dbp.gov.my>

Reka Letak dan Atur Huruf:
Maxporia Sdn. Bhd.

Muka Taip Teks: Azim
Saiz Muka Taip Teks: 18 poin

Dicetak oleh:
Percetakan Bunga Raya Sdn. Bhd.,
Lot 50-A, Hiong Tiong Industrial Centre,
Lorong Buah Salak 5,
11.2 Km, Jalan Tuaran,
88450 Kota Kinabalu, Sabah.

PENGHARGAAN

Penghasilan buku teks ini melibatkan kerjasama banyak pihak. Oleh itu, pihak penerbit dan penulis ingin merakamkan penghargaan dan ucapan terima kasih kepada semua pihak yang telah bersama-sama memberikan sumbangan sehingga buku ini sempurna diterbitkan.

Sekalung penghargaan dan ucapan terima kasih ditujukan khusus kepada semua yang berikut:

- Jawatankuasa Penambahbaikan Prof Muka Surat, Bahagian Buku Teks, Kementerian Pendidikan Malaysia.
- Jawatankuasa Penyemakan Pembetulan Prof Muka Surat, Bahagian Buku Teks, Kementerian Pendidikan Malaysia.
- Jawatankuasa Penyemakan Naskhah Sedia Kamera, Bahagian Buku Teks, Kementerian Pendidikan Malaysia.
- Pegawai dari Bahagian Buku Teks dan Bahagian Pembangunan Kurikulum, Kementerian Pendidikan Malaysia.
- Jawatankuasa Peningkatan Mutu, Dewan Bahasa dan Pustaka.
- Panel Pembaca Luar, Dewan Bahasa dan Pustaka.
- Jabatan Pelajaran Negeri Sabah.
- Semua pihak yang terlibat dalam penerbitan buku ini secara langsung atau tidak langsung.

SUANG



TEMA 1 : WINOUN SONDII

UNIT 1	: PIMATO	1-8
UNIT 2	: MUM <u>P</u> ONGOL	9-18

TEMA 2 : WINOUN TOILAAN

UNIT 3	: NUM <u>B</u> L	19-26
UNIT 4	: WARANA	27-36
UNIT 5	: TAM <u>B</u> ALUT KU	37-44
UNIT 6	: BOOGIAN TINAN	45-54
UNIT 7	: KOLIDASAN TINAN	55-64
UNIT 8	: PAGANAKAN KOU <u>P</u> USAN KU	65-74
UNIT 9	: KAKAMOT ID KALAS	75-84

TEMA 3 : WINOUN SUSUYAN

UNIT 10	: TAYAM GOMPION	85-94
UNIT 11	: TAYAM TOLIAS	95-103

PONOGULU

Poinsuang do pakej buuk Boros Kadazandusun Toun 1 nopo nga' buuk teks om buuk aktiviti. Sinuat o buuk diti tumanud nuludan Kurikulum Standard Sekolah Rendah (KSSR) i winonsoi do Bahagian Pembangunan Kurikulum (BPK), Kementerian Pendidikan Malaysia. Kurikulum Standard Sekolah Rendah (KSSR) nopo nga' poposotol do limo kabaalan. Kabaalan nopo diti nga' kabaalan Mokinongou om Moberos, kabaalan Mambasa', kabaalan Monuat, kabaalan Kolumison Boros om kabaalan Puralan Boros.

Buuk teks nopo diti nga' kisuang do 11 unit. Tema nopo ngawi dii nga' kokomoi Winoun Sondii, Winoun Toilaan om Winoun Susuyan. Buuk teks nopo diti nga' gunoon miampai do buuk aktiviti. Buuk aktiviti nopo nga' nulud tumanud do buuk teks. Popohimagon o buuk aktiviti diti do kabaalan tanganak montok monuat boros, frasa om ayat kotunud om olumis miagal di pinoia' id buuk teks.

Boros kiwarana id tikid unit nopo nga' oponsol do posotolon kumaa tanganak montok popohimagon do korotian diolo kokomoi uhu di poia'on.

Ponokoimpohon nopo do boros i gunoon id buuk diti nga' dailek Bundu-Liwan, miampai ginonop do boros mantad mogisuusai sinompuruan boros Dusunik tumanud do Memorandum Piniupakatan (Memorandum of Understanding) do KadazanDusun Cultural Association (KDCA) om United Sabah Dusun Association (USDA) di toun 1995.

Kopomugunoon om Kotolinahasan do Ikon Id Buuk Teks

Buuk nopo diti nga' momoguno do ikon miagal sumusuhut:



Kabaalan Mokinongou
om Moberos



Kabaalan Mambasa'



Kabaalan Puralan Boros



Kabaalan Monuat



Kabaalan
Kolumison Boros

Nuuf Mongingia'



Manahak ponontudukan kumaa mongingia' montok papapanau aktiviti pongia'an om pambalajalan. Elemen sumusuhut okito id nuuf mongingia'.



Popoilo woyo toluud i manahak ponontudukan kumaa tangaanak.



Ponilaian do aktiviti di pinapanau. Suai ko' ii, mongunsub nogi do tangaanak momusorou lobi do okritis.



Popoilo numbul standard pambalajalan om numbul bolikan do buuk aktiviti.



Kabaalan Momusorou Taang Takawas.



Audio om Sinding.

Kotolinahasan Ikon do Buuk Aktiviti

Nuuf Mongingia'



Manahak ponontudukan kumaa mongingia' montok papapanau aktiviti pongia'an om pambalajalan.



Popoilo numbul standard pambalajalan om numbul bolikan do buuk teks.

Monongkotoluod yahai au ogiina montok sokodung do toinsanan di nokogompit minomonsoi, minanahang om minanahak do sogu gisom nokosolimbou iti buuk teks. Alansan do kaanu o buuk teks Boros Kadazandusun KSSR Toun 1 diti monguhup om mongunsub tangaanak ngawi minggisom balajal boros Kadazandusun mooi do koingkawas o kabaalan diolo.

**JULIANA JOHN
IVY EVELYN G. DUSITY
FOUNNAH LUMABAI**



RAJAN

DEWI

HENRI HANI

SOON LEE

SIU LAN

SITI ADI



Nuut Mongingia'

- Suhuon o tangaanak mamarait ngaran pimato i aiso id gambal.



Basao'

bolimbingan

tobu

tirikohon

buok

kandawai

sunsuyon

sada

buu

bonong



Nuut Mongingia'

- Tudukan o tanganak do mongintutun om popolombus pimato tumanud gambal.

2.1.1

BA: 2

3



Kanou Mamain

Pomoinan kad

papan ponuatan






RUKUN NEGARA

- KEPERCAYAAN KEPADA TUHAN
- KESSETIAAN KEPADA RASA DAN NEGARA
- KELUHURAN PERLEMBAGAAN
- KEDALATAN UNDANG-UNDANG
- KESOPHANNAN DAN KESUSILAAN



mija'



Nuut Mongingia'

- Roiton iso' kad pimato om suhon tangaanak poposudong do gambal.
- Suhon nogi tangaanak popouni do boros.
- Posodia'on o kad pimato om kad gambal do suai om kosudong.



2.2.1

BA: 4





Kinongoho' om Suguto'



tingau



tintingabai



kilau



tasu



tikus



irikohon




Nuut Mongingia'

- Tudukan o tangaanak mambasa' do boros tumanud gambal.
- Suhuon nogi o tangaanak monuat do boros id buuk ponuatan.



Suato'

Taman Pimato



Nuut Mongingia'

- Tudukan o tangaanak monuat pimato tokoro id buuk ponuan.
- Suhuon nogi o tangaanak mamarait do pimato tumanud roitan di kotunud.

3.1.1

BA: 7





Sinding

Audio 1 

A... ngaran pimatō
 A... iri tuni dau
 Ha..ha..ha..ha..ha..ha..

I... ngaran pimatō
 I... iri tuni dau
 Hi..hi..hi..hi..hi..hi..

O... ngaran pimatō
 O... nogi tuni dau
 Ho..ho..ho..ho..ho..ho..



Nuuf Mongingia'

- Suhuon o tangaanak mokinongou do sinding.
- Kawasa alanan do pimatō konsonan o sinding diti.

MUMPONGOL



Kinongoho' om Pingsingkanaai

Audio 2

Kopiwosian minsosodop,
Hani. Nunu abal nu?

Kano manangkus, Hani.

Kopiwosian minsosodop
nogi doid diau, Siti. Awasi.

Baa. Kano no.



Nuut Mongingia'

- Porongohon o fanganak do audio.
- Pingsingkanaai pibarasian id sawat momoguno timpu suusuai.

1.5.3 (ii)

BA: 7




Polombuso'



1. Mosik i Rajan do doungeuab.
2. Muli i Rajan mantad sikul do dungeadau.
3. Aanangan i Rajan mimbuul tikid minsosodop.
4. Modop i Rajan do dungeotuong.

Nuuf Mongingia'

- Tudukan o tangaanak popolombus do ayat.
- Umbalai momonsoi ayat sondii.



Simbaro'

1. Isai tambalut di Soon Lee? _____, _____.
2. Isai haro tadi' di okoro po? _____.
3. Isai ngaran tina' di Soon Lee? _____.

Nuut Mongingia'

- Suhuon o tangaanak sumugut pibarasan id sawat.



Basao'

1.



2.



3.



4.



Nuut Mongingia'

• Tudukan o tangaanak mambasa' do frasa.





Kabun Bunga di Siti.

I Siti om i Siu Lan nopo nga' miambalut. Popokito i Siti do kabun bunga posorili lamin. Ogumu bunga tinanom tina' di Siti. Kiwaa do okid, daisi, bolimbingan om bungadau. Bolimbingan nopo nga' kibunga do aragang. Osilou o warana do bungadau. Daisi nopo nga' opurak. Osohug warana do okid. Alabung ngawi o tanom do poinsumi. Tunguhon di Siti o tongobunga tikid doungosuab om minsosodop.



Nuut Mongingia'

- Suhuon o tangaanak mamarait ngaran do bunga suai ko' ii okito id gambal.
- Suhuon nogi o tangaanak momolukis do bunga ii narait id sawat.

2.2.5 (ii)

BA: 9



Basao'

I Adi iti.

Mosik isio do doungosuab.

Modsu om momurus nipon.

Momihid do tinan soira kopongo Modsu.

Manambasaan do basaan sikul.

Surudon disio o tobuk.

Manangkasut no isio.

Makan om minum pogulu mugad sikul.



Nunu maan di Adi pogulu mugad sikul? 🧠

Mosik isio do



Modsu om momurus



Nuut Mongingia'

• Suhuon o tangaanak mambasa' do teks.



Suato' om Basao'

Kopiwojian doungesuab, Hani.

Nonggo ngoyon nu, Hani?

Isai tambalut nu?

Nunu maan dikoyu hilo?

Oo. Baa tumoodo kou no.

Kopiwojian doungesuab
nogi diau, Rajan.

Mongoi oku librari.

I tadi' ku.

Mongoi yahai olos do buuk.

Kotoluadan, Rajan.

Ihumo' ayat toomod mantad teks pibarasan.

Nuuf Mongingia'

- Tudukan o tangaanak monuat ayat toomod om ayat pongudio.

5.4.3 (i), (ii)

BA: 11

15



Suato'

BOROS MUMPONGOL




Kopiwosian **d**oungosuab,
mongingia'.



Kopiwosian **d**oungadau.



Kopiwosian minsosodop.



Kopiwosian **d**oungotuong.

Nuuf Mongingia'

- Suhuon o tangaanak monuat boros piumpangalan id sawat.



Suato'



Tina' : Kotobian tatau kinolodion nu, Hani.

Hani : Kotoluadan ina'.



Adi : Mongingia', kawasa oku mongoi id pagawasan?

Mongingia' : Kawasa. Ongoi no.



Henri : Talib oku po, aki.

Aki : Baa. Talib no, Henri.

Nuuf Mongingia'

- Miuhot om misimbar.





Momonsoi Buuk Tonini

Kakamot : Kalatas, warana.




Momolukis.



Mamawarana.



Lukisan di nawarana.



Buuk tonini di nopongo.

Nuut Mongingia'

- Suhuon o tangaanak momolukis do gambal tumanud boros piumpangalan.
- Waranaon o gambal.
- Uludon o gambal om sindakon o buuk tonini.
- Suhuon o tangaanak momonsoi buuk tonini miampai kreativiti sondii.

4.1.2 (iii)



Kinongoho' om Intutunai

Audio 4 Mongintutun Numbul 

Kanou tokou mongintutun do numbul
 Numbul iso' gisom do hopod
 Kinongoho' no om intutunai
 Iso', duo, tolu om apat



Limo, onom, turu', walu', siam, hopod
 Ngaran numbul id boros tokou
 Kinongoho' no om intutunai
 Mantad baino gisom poingompus

Loyuk : Founnah Binti Lumabai 

Nuut Mongingia'

- Suhuon o tangaanak mokinongou do loyuk sinding difi maya audio.
- Mongingia' om tangaanak miampof suminding miampai muzik.
- Suhuon o tangaanak mamarait kawagu ngaran numbul di narait.

1.1.2 (i)
1.1.3 (i), (iii)



Polombuso'

1



iso'

2



duo

3



tolu

4



apat

5



limo

6



onom

7



turu'

8



walu'

9



siam

10



hopod

Nuut Mongingia'

- Roito' numbul sumusuhut.
- Tudukan o tangaanak popolombus boros numbul iso' gisom hopod.



Basao'

Minsumbara i taka' om tadi' ku tondu.

Turu' watu gunoon diolo.

Haro **duo** tirikohon.

Poingigit di tadi' ku o **iso**' lositik.

Mamain do tinggur piasau i tabang om tadi' ku kusai.

Hopod om **duo** tinggur piasau gunoon diolo.



Uhoton o tangaanak kokomoi ngaran suusuai numbul i aanu diolo mantad gambal.



Nuut Mongingia'

- Tudukan o tangaanak mongija' om popolombus ngaran numbul tumanud putul boros.
- Tudukan o tangaanak mambasa' teks.
- Suhuon o tangaanak misingumbal mambasa' teks miampai ponontudukan.
- Tudukan o tangaanak kopomoraitan ngaran suusuai numbul miagal 11 - 50.



2.1.2(i)
2.2.2(i)
2.2.3(iii)


BA: 15



Pomoroitan Ginumu Ointob



Haro **tolu nohopod** tadau id wulan Manom.



Poingigit di Rajan **iso'** pupugas papan ponuatan.



Haro **limo buuk** susuyan.



Haro **hopod om duo** tutuku.


Umbalai mamarait Kopomoroitan Ginumu Ointob di susuai ko mantad id teks. 🌸

Nuut Mongingia'

- Pointutunon o tangaanak kokomoi Kopomoroitan Ginumu Ointob.
- Suhuon o tangaanak popolombus ayat.



Kanou Monuat



Koilo kou nangku, tadon ngaran do tadau sominggu id boros tokou?



Nunu ngaran tadau kotolu id boros tokou?



Nuuf Mongingia'

- Poiloon o tangaanak tadon ngaran tadau sominggu.
- Suhuon o tangaanak mamarait kawagu ngaran tadau sominggu.
- Suhuon o tangaanak momolukis kawagu peta pomusarahan id sawat id buuk ponuafan diolo.

2.4.4
3.1.2 (i)

BA: 17



Suato'

Sipoot Rinukut-rukut Sikul Tosiriba Sarang

1. Piro numbul basaan di Rajan?



2. Piro tulun minampayat piboi'an manangkus?



tulun.

3. Suato' numbul i okito nu id gambal.



Nuut Mongingia'

- Suhuon o tangaanak popolombus numbul i okito diolo mantad gambal.
- Suhuon o tangaanak monuat kawagu ponguhatan id sawat miampai sisimbar id buuk ponuatan.

3.1.3
1.4.3

BA : 17





Umbalai Mongulud

Umbalai dikoyu mamarait numbul 0 gisom 10 tumanud nuludan.

0	1	2	3	4	5	6	7	8	9	10
---	---	---	---	---	---	---	---	---	---	----



BAYAHAN, NOKORIKOT TADAU BAINO!

Numbul Tadtaru



0	1	2	3	4	5	6	7	8	9	10
---	---	---	---	---	---	---	---	---	---	----

0, 1, 2, 3, 4, 5, 6, 7, 8, 9, 10



BAYAHAN, NOKORIKOT TADAU BAINO!

Abaal

0	1	2	3	4	5	6	7	8	9	10
---	---	---	---	---	---	---	---	---	---	----



Numbul Tadtaru



0	1	2	3	4	5	6	7	8	9	10
---	---	---	---	---	---	---	---	---	---	----

Koilo oku mongulud numbul 10 gumuli 0.



Nuut Mongingia'

- Pokionuon mongingia' poposodia kad numbul.
- Suhuon o fangaanak mongulud numbul 0 gisom 10 toi ko' 10 gumuli 0.
- Kawasa nogi mongingia' poposodia kad numbul suusuai mantad 11 gisom 50.



3.1.4

BA: 18 & 19



Mongingia'...
Miagal ko do waig
Lumuyung au otingkod
Monuduk dahai mongintob
Iso', duo, tolu om apat...

Mongingia'...
Nung okon ko tituduk nu
Au yahai kointutun do.. a, b, c...
Baino karati yahai
Komoyon ralan di otulid
Mantad ponontudukan nu di osorisid
Gisom odimpot dahai iman-imanon.

Sinupu : Founnah Binti Lumabai

Nuut Mongingia'

- Suhuon o tangaanak mokinongou audio sisindiron id sawat.
- Tudukan o tangaanak popoloyuk do sisindiron.
- Minsingumbal o tangaanak popolombus diti sisindiron miampai audio.
- Kawasa poindalanan aktiviti diti sabaagi piboi'an.
- Onuan do tutunakap i tangaanak.



Pogibaabasai

Audio 6

Intangai Kabun Ku

Intangai kabun ku,
 noponu do bunga,
 kiwaa di aragang,
 kiwaa di osilou,
 opurak, otomou,
 osohug, buragang,
 mogisuai warana,
 osindak kabun ku.

Loyuk : Lihat Kebun Ku

Nuuf Mongingia'



- Suhuon o tangaanak mokinongou audio sinding.
- Mogiboboros kokomoi do warana i narait id sinding.
- Uhoton o tangaanak nunu o warana kaanangan diolo. Nokuro?
- Miampot suminding.

1.1.2 (ii)
 1.2.2 (ii)
 1.3.2 (ii)

BA: 21



Kinongoho' om Wonsoyo'

Kinongoho' om tonudo'.

Waranao' taap dau do obuhog.
Waranao' tolig lamin do osilou.
Waranao' tobon dau do osohug.
Waranao' tansar dau do obulou.
Waranao' i puun kayu do oitom.
Waranao' i roun kayu do otomou.
Waranao' bunga do aragang.

Nuut Mongingia'

- Suhuon tangaanak do mokinongou om mamawarana fumanud ponuhuan do mongingia'.

1.3.2(iii)
1.4.1

BA: 21(B) & 22



Inimoto' om Roito'

Nunu ilo?

Nunu ngawi warana do buris dau?

Buris dau kiwarana aragang om opurak.

Ilo nopo nga' Bondira Kabansaan.

Nunu wagu warana i okito id bondira diti?

Obulou om osilou.

Nunu rati warana do bondira tokou?

Nuut Mongingia'



• Suhuon o tangaanak popolombus ayat tumanud mongingia'.

1.4.2
1.5.2(i),(ii)

BA: 23



Ijao'om Basao'

osilou

opurak

otomou

obuhog

obulou

aragang

Nuut Mongingia'





Basao' om Intutunai Tanda Basa

Titik • om Koma ,



Bungadau osilou



Daisi opurak



Bolimbingan aragang



Silawab osohug

Aanangan oku do bunga. Ogumu bunga id kabun ku. Kiwaa o daisi, bungadau, ros, silawab, bolimbingan om suusuai po. Mogisuusuai ngawi o warana dau. Kiwaa opurak, osilou, buragang, osohug, aragang om ogumu po suai. Ogumu tambalut ku rumikot momoli do bunga ku. Ounsikou o ginawo ku tu kaanu oku nogi do tusin i milo gunoon ontok timpu dumontol.



Ros buragang



Poomitanan:

1. Aanangan oku do bunga.
2. Kiwaa o daisi, bungadau, ros, silawab, bolimbingan om suusuai po.

Nuut Mongingia'



- Suhuon o tangaanak mambasa' do teks tumanud mongingia'.
- Uhoton o tangaanak kowosian do mananom bunga.
- Sunudan o tangaanak kopomogunaan do tanda basa titik om koma.



2.1.4
2.2.4(i), (ii)

BA: 25



Kanou Mamain

Karaaralano':

1. Pilio' luguan.
2. Posuaton di luguan numbul 1-12 id kalatas tongonini. Lopion.
3. Misowoli maganu do kalatas. Intangan i numbul.
4. Intangan i ponguhatan tumanud di numbul naanu.
5. Simbaro' i ponguhatan. 2 marka nung kotunud.
6. Intobon di luguan o ginumu di marka nu.
7. Isai togumu kopio marka, ii no kalantoi.

1. Nunu warana diti? 

2. Uludo' boros diti
r n i o

3. Nunu warana poinlisok?
OLUBUO

4. Nunu warana do tua' diti? 

5. Ijao' ngaran warana diti. 

6. Nunu warana do bunga diti? 

7. Nunu warana do tua' diti? 

8. Uludo' boros diti.
ORUKAP

9. Nunu warana diti? 

10. Nunu warana poinlisok?
GANURABG

11. Ijao' ngaran warana diti. 

12. Roito' iso' warana id bondira kabasaan. 

Nuut Mongingia'

• Poiloon do mongingia' i tangaanak karaaralano' do mamain.



Intutunai Nuludan Ayat MSO

Nuludan MSO : **Boros maan** + **Subjek** + **Objek**

Poomitanan : Papataam i Henri dilo rinomos.
(Boros maan + Subjek + Objek)



Boros maan	Subjek	Objek
Momoli	i John	do basaan.
Mananom	i tina' ku	do <u>bunga</u> togingo.
Momupu	i Mira	do kasut.

Uludo' boros tumanud Nuludan Ayat MSO. 

- 

i Soon Lee

Popotinduk

dilo manuk.

- 

do nipon.

i Adi

Momurus

- 

i Hani

do bunga.

Momolukis

Nuuf Mongingia'

- Tudukan o tangaanak monuat ayat tumanud nuludan MSO.


5.2.1(II)
5.4.1



Uludo' om Suato'



oubolu



nroi

omtouo

moito

soiluo

hugoso

Intangai ilo gambal. Posuato' ngawi o warana i okito nu.

Poomitanan:

osiluo

Nuut Mongingia'



- Suhuon tangaanak mongulud pimato sumiliu boros.
- Suhuon tangaanak papatayad pipiro po wagu warana i okito id gambal sui ko' warana i pinosodia.





Roito' om Posuato'

KALAJA KALAS 1 OBULOU 2017

CHALAN JING GIBAO NG NAI JE	ANAKAL BAPAL	POHO YONG NI SINTANA	



Kasut
opurak



Beg
osohug



Buuk
osilou



Pen
obulou



Nuut Mongingia'

- Suhuon o fangaanak misowoli do maganu kad id kutak.
- Roiton dau nunu i poinsuat id kad.
- Suhuon o finimungan do fangaanak do manahak ayat di kosudong tumanud poomitanan.

3.2.1
3.3.3

BA: 26



Kanou Momonsoi do Kad Kinolodion



1



Kalatas lukisan,
kalatas warana,
gaam om gunting

2



Lopion kalatas
kumaa duo
boogian.

3



Lukison kek id
kalatas warana.

4



Guntingon
gambal di kek.

5



Posokoton i kek
nogunting id
kalatas lukisan.

6



Suaton no o pason
id suang do kad.

7



Kad di nopongo.

Nuut Mongingia'

- Poiloon i tangaanak do laang momonsoi kad kinolodion.
- Suhuon o tangaanak momonsoi kad kinolodion tumanud kreativiti sondii.



Pogibaabasai

Audio 7



KOTOBIAN TADAU KINOLODION NU

Kotobian tadau,
Kinolodion nu,
Kotobian, kotobian,
Olidas do sogigisom.

Lojuk : 'Selamat Hari Jadi'

Nunu kowosian
mamaramai
tadau kinolodion?



HENRI
KOTOBIAN TADAU KINOLODION NU
23 GOMOT



Nuut Mongingia'



- Mogiboboros kokomoi do gambal.
- Uhoton o tangaanak kokomoi tadau kinolodion diolo.
- Suhuon o tangaanak do suminding tumanud audio.

1.1.2(iii)
1.2.2(iii)
1.2.3(i), (ii)



1. Piro tulun tangaanak mogibooboros?
2. Isai ngaran tangaanak mantad Penampang?
3. Piro umul di Soon Lee?
4. Nunu kaanangan di Siti?
5. Nunu kowosian mintutun do tambalut?

Nuut Mongingia'

- Porongohon o tangaanak do audio.
- Miuhot om misimbar miampai di tangaanak kokomoi di audio norongou momoguno ayat pongudio id sawat. Milo nogi ruhangan ilo ponguhatan.
- Tudukan o tangaanak sumimbar momoguno ayat toomod.



Basao'

Hai, **ngaran** ku nopo nga' i Henri. Turu' toun o **umul** ku. Ngaran nopo di tapa' ku nga' i Bernard. Isio songulun pulis. I Rita i tina' ku. Isido songulun noos. **Poingion** oku id Penampang. **Aanangan** oku do momolukis. **Iman-imanon** ku nopo nga' dumadi do arkitek.

Isai ngaran nu ambalut?
Piro umul nu?
Nunu kaanangan nu?
Nunu iman-imanon nu?
Poiloo' oku po.

Nuuf Mongingia'



- Suhun o tangaanak mongija' om popolombus boros i kiwarana do ofomou.

2.1.2(iii)
2.1.4(i),(iii)
2.2.2(iii)
1.5.1(i),(ii)
PA-20



Basao' om Intutunai

IMAN-IMANON KU



Hani



Iti nopo nga' i Hani. Aanangan isido dumadi do dokutul. Orohian isido mongusap tulun sumakit. Poinkalaja isido id lamin pongusapan.



Adi



Iti nopo nga' i Adi. Aanangan isido dumadi do pulis. Monguhup isio mamagakom tulun kisala. Poinkalaja isio id balai pulis.



Soon Lee



Iti nopo nga' i Soon Lee. Aanangan isido dumadi do bumba. Monguhup isio momisok do tapui id kinoyonon di notutudan.

Nunu ningkokoton tulun nung abagos? 

Nuut Mongingia'

- Suhuon o tangaanak mambasa tumanud do mongingia'.
- Miuhot om misimbar kokomoi iman-imanon do tangaanak.



Iloo'

MANOM										
TI	TO	MI	MA	TA	KUKU					
						1	2	3		
4	5	6	7	8	9	10				
11	12	13	14	15	16	17				
18	19	20	21	22	23	24				
25	26	27	28	29	30					



bohuang

tadau

Boros Ngaran Koizaai

bondira



balai pulis



dokutul



Boros Ngaran Koizaai:

Kakamot toi ko' ahal i umum o ula dau.

Poomitanan:

i. Poinkalaja i tapa' ku id balai pulis.

ii. I taka' ku nopo nga' songulun dokutul.

Nuuf Mongingia'

- Pointutunon o tangaanak momoguno boros koizaai.
- Suhuon tangaanak manahak piipiro wagu poomitanan suai.

5.2.1 (ii)

BA: 31



Uludo' om Suato'



Ngaran : Hani Jon
 Umul : 7 toun
 Kinoyonon : Kampung Kosigui
 Kalas : 1 Anggerik
 Tinaru : Kadazan
 Kaanangan : Mambasa' buuk



I Hani Jon o (1) _____ (garnan) disido. Turu' toun no o (2) _____ (ulmu) dau. (3) _____ (Pinognio) isido id Kampung Kosigui. Balajal isido id (4) _____ (lasKa) Iso' Anggerik. Kadazan o (5) _____ (taniru) disido. Abagos isido do balajal. (6) _____ (anganKanaan) nopo dau nga' mambasa' buuk.

Uludo' boros dumadi ayat.

1. [disido.] [Hani Jon] [ngaran] [o] [I]

2. [umul] [dau.] [toun] [Turu'] [o] [no]

3. [isido] [Poingion] [id] [Kampung Kosigui.]

Nuut Mongingia'

- Suhuon o tangaanak mambasa' om mongulud pimato id teks.
- Suhuon nogi tangaanak mogulud boros dumadi ayat id buuk ponuatan.



Intutunai Tokou

Kopiwosian doungosuab.
Isido nopo nga' i Hani.
Hani, poiloo' yahai nunu
o basaan nu dino?



Hai, yoku nopo nga' i Hani.
Poimbasaan oku do Sinurangga
Boludu mantad Penampang.

Uludo' Sisimbar.

1. Isai ngaran tanak di poimbasaan do Cheongsam?

Siu Lan.

I

2. Nunu basaan di Jamil?

do

Basaan

dokutul.

3. Isai ngaran do tanak poimbasaan do sari?

disido.

ngaran

Dewi

I

o

Nuut Mongingia'



- Sunudan o tangaanak komoyon do ayat toomod.
- Suhuon o tangaanak mongulud boros montok momonsoi ayat toomod id buok ponuatan.
- Uhofon o tangaanak nung aanangan yolo basaan di Hani. Nokuro?

3.2.2
(i), (ii)



Momonsoi Buuk Tonini'



1



Kalatas, gunting, pongokot, warana pinsil.

2



Lopion i kalatas kumaa apat boogian.

3



Lukiso' bontuk tumanud korohian tangaanak.

4



Guntingon kalatas tumanud bontuk.

5



Dodio' do buuk tonini.

6



Lukiso' gambal basaan tinaru tambalut di toilaan nu. Posuaton ngaran, umul, basaan om tinaru dau. Waranao'.

7



Suaton no uhu, ngaran om kalas tangaanak. Sindako'.

8



Buuk tonini i nopongo.

Nuut Mongingia'

- Suhuon o tangaanak momonsoi buuk tonini.
- Suhuon tangaanak momolukis basaan tumanud tinaru tambalut diolo.
- Kawasa nogi alanan aktiviti momolukis kumaa poposokot gambal i kosudong.

UNIT 6

BOOGIAN TINAN



Pogibabarasai



Uhoton o tangaanak kokomoi suusuai ngaran boogian tinan om kogunoon dau.



Nuut Mongingia'



- Suhuon o tangaanak mongintutun ngaran boogian tinan i okito diolo mantad gambal.
- Tudukan o tangaanak mamarait ngaran boogian tinan.

1.1.2 (iv)
1.1.3
1.4.2





Roito'

tulu

tinan

longon

gakod

Nuut Mongingia'

- Suhuon o tangaanak monuduk boogian finan diolo sondii.
- Suhuon o tangaanak mamarait om mongija'ngaran boogian finan.



Ijao'

kudou

mato

todung

nipon

munung

tobuk

tolingo

kabang

pingas

liou

Nuut Mongingia'

• Suhuon o fangaanak monoinu, mongija om popolombus boogian finan.

2.1.2 (iv)
1.2.2 (iv)

BA: 33



Basao'



Orikos **tawak** di Hani.
Pompodon no **sondulu** nung anaru.
Ougan **longon** tokou nung omurong.
Mongulapis oku momoguno **palad**.

Nuuf Mongingia'

- Suhuon o tangaanak mambasa'om popolombus ngaran boogian tinan.





Simbaro'




mato

tulu

kabang

todung




Puun Boogian Tinan.

Iti nopo nga' tulu.

Iti nopo nga' mato.

Iti nopo nga' nipon.

Iti nopo nga' todung.



Nuuf Mongingia'

• Tudukan o fangaanak mongija' om popolambus boros tumanud putul boros.

2.4.3
2.2.2 (iv)

BA: 34



Iloo' Boros Ula

Audio 9



Otood Ginawo

Nung tanak kou **awantang**
Kakato' longon

Nung tanak kou **olundus**
Tapap palad

Nung tanak kou **olidas**
Kanou tokou sumayau

Nung **otood** ginawo nu
Poboros kiihoi (Kiihoi)

Loyuk: Founnah binti Lumabai


Roito' Boros Ula di susuai.

Nuut Mongingia'

- Suhuon o tangaanak mokinongou melodi sinding.
- Poiloon o tangaanak kokomoi Boros Ula kiwarna id sawat.
- Miampot susuminding miampai muzik.



1	2	3	4	5	6	7
...



Nuuf Mongingia'

- Pokionuon o mongingia' poposodia kad ngaran boogian finan.
- Suhuon o tangaanak poposokot kad ngaran boogian finan di naanu diolo.
- Suhuon o tangaanak papatayad om monuat kawagu peta pomusarahan di nopongo id buuk ponuatan diolo.

3.1.2 (iv)
3.1.3
1.4.3





Patayado'



Kanou mamain.





Nuut Mongingia'

- Tudukan o fangaanak mamain do pomoinan id sawat.
- Suhuon o fangaanak papatayad boros kokomoi finan id buuk ponuatan.

3.1.2 (iv)

BA: 37 & 38





Suato' om Basao'




tobuk

nipon

palad

gakod



Notipuan do _____
i Siti.



Momongkos do _____
i Siu Lan.



Momurus do _____
i Rajan.



Momoug do _____
i Dewi.

Nuat Mongingia'



- Suhuon o tangaanak momili boros om momogonop frasa.
- Suhuon o tangaanak mambasa' frasa di nopongo.
- Suhuon o tangaanak nuuat kawagu frasa id sawat id buuk ponuatan.

3.2.1



Kanou Monundait



Audio 10



Soira koodop kou,
poimposik oku,
soira poimposik kou,
koodop oku.



Nosorili oku do fansar,
mongintong o kogunoon ku.



Miagal oku do nulu,
gunoon oku do moningud.



Nuuf Mongingia'


- Tudukan o tangaanak popolombus sundait.
- Suhuon o tangaanak popolombus sundait.

UNIT 7

KOLIDASAN TINAN



Sorisido' om Roito' 



Nuut Mongingia'

- Suhuon o tangaanak monorisid gambal om mamarait aktiviti okito diolo mantad gambal.

1.4.1
1.2.2 (iv)

BA: 41

55



Balajal tokou kokomoi kolidasan tinan.

Nunu balajalan tokou baino mongingia'?

Kinongoho' om roito' dokoyu teks rencana maya audio diti.

Taman Boros Kadazandusun

Nuut Mongingia'

- Suhuon o tangaanak mokinongou audio teks rencana.
- Miuhot om misimbar kokomoi teks rencana di norongou.

1.3.1 (iii) (b)
1.3.2 (ii)

BA: 41





Tonudo'

Karaaralano' Momoug do Palad

1



Yoposon palad.

2



Momoguno sabun.

3



Isuon id boogian dolikud do palad.

4



Isuon id piolitan di tunturu'.

5



Ougan palad

6



Pihidan o palad.

Nuuf Mongingia'

Nokuro tu oponsol momoug palad ?

- Tudukan o tangaanak karaaralano' momoug palad di kotunud.
- Kawasa nogi' pohoroon aktiviti id sikul.

1.3.2 (iii)
2.4.3

BA: 42



Toina'on Ku Sangadau





Mongoi sikul.



Timpu modop.



Muli mantad sikul.



Minguyat tinan.


Nuut Mongingia'

- Uhoton o tangaanak kokomoi aktiviti diolo id suang sangadau.
- Suhuon o tangaanak popolombus aktiviti diolo sangadau maya peta pomusarahan id buok ponuatan.




Basao'

Minog Oilaan Tokou



**TAAKANON
KOLIDAS**



**TAAKANON
AU KOLIDAS**

Tumungag i Siu Lan ontok jam koonom dongsuab. Minum dongsuab isido pogulu do mongoi sikul. Mangakan isido do mi guring. Monginum isido sanggalas susu.

Nuut Mongingia'

- Sunudan o tangaanak karaalano' makan di osulimbang.
- Suhuon o tangaanak mambasa' teks id sawat miampai ponotudukan.
- Uhoton o tangaanak ngaran takaanon di osulimbang suai ko' mantad gambal.



2.2.5 (i)
2.3.1 (i)

BA: 43



Iloo' Boros Maan



Iti nopo nga' Taman Boros Kadazandusun.
Mongimuhau i Hani do roun.
Minananom yolo mogikaakawo kinotuan.
Mogihup yolo mamalangga do taman diti.
Olidang om osindak kokitanan do taman diti.
Otood tomod o ginawo diolo.



Ingkuro aktiviti momutanom kaanu manahak kolidasan tinan? 🌸

Nuut Mongingia'

- Poillon o tangaanak kokomoi Boros Maan.
- Uhoton o tangaanak kokomoi Boros Maan i okito id gambal.
- Suhuon o tangaanak do monuat Boros Maan id buuk ponuatan.

5.2.1 (ii)
1.5.2 (i) (ii)
3.1.3



Suato'



i Siti do sada'.



Mongimuhau i Hani

do roun.



i Rajan do kinotuan.



i Adi om i Dewi

do sakot.

Nuut Mongingia'

- Uhupan o tangaanak momogonop ayat momoguno Boros Maan di kotunud.
- Suhuon o tangaanak mambasa'opuhod ayat di nopongo miampai ponontudukan.
- Suhuon o tangaanak momonsoi frasa Boros Maan do suai om suaton id buuk ponuatan.

3.2.1
2.2.4
5.2.1 (ii)





Suato' kawagu



papakayad

mongisu


mongihang

monguhup

1. Nunu maan di tina'?

Mongihang i tina' do kinotuan.


2. Nunu maan di tapa'?

 _____ i tapa' do korita.

3. Nunu maan di taka'?

 _____ i taka' do kinayad.

4. Nunu maan di tabang?

 _____ di tapa' mongisu do korita.

Nuut Mongingia'

- Tudukan o tangaanak mogihum sisimbar mantad teks.
- Suhuon o tangaanak miuhot om misimbar kokomoi gambal id sawat miampai tambalut.
- Suhuon o tangaanak monuat kawagu ponguhatan id sawat id buuk ponuatan diolo.

3.2.2 (i) (b)

3.2.1

5.2.1 (ii)

BA: 45



Kanou Momonsoi Kolaj



Bontugan Sipoot Ku

Kakamot : Gaam, gunting, kalatas opurak, piipiro gambal bontugan sipoot tinaru Kadazan om Dusun.

Poomitanan:



Posodiaon kakamot.



Guntingon gambal bontugan sipoot.



Posokoton id kalatas opurak momoguno gaam.



Kolaj di nopongo.

Nuut Mongingia'

- Poiloon o tangaanak komoyon bontugan.
- Suhuon o tangaanak mokinongou karaaralano' momonsoi kolaj Bontugan Sipoot.

PAGANAKAN KOUPUSAN KU



Pogibaabasai

taki

todu'

tina'

tadi'

tabang

taka'

tapa'

Nuut Mongingia'

- Suhuon o tangaanak mongintutun do gambal.
- Suhuon nogi o tangaanak popointutun do paganakan diolo.
- Miuhot om misimbar kokomoi paganakan sondii.



Suguto'

Paganakan di Soon Lee

Manangkul i tapa' do winatang.

Mangawit i todu' do rangalau.

Poposuang i Soon Lee do rangalau id balatak.

Mongutus i taki do sakot.

Mongupu i tina' om taka' do lado.


Nuut Mongingia'




Iloo'



Puun Paganakan di Dewi



1. Isai ngaran tapa' di Dewi?
2. Isai ngaran tina' di Dewi?
3. Piro tanak di Chandran?



Nuut Mongingia'



- Miuhot om misimbar kokomoi paganakan.
- Suhuon o tangaanak momonsol puun paganakan momoguno peta pomusarahan.

1.3.3
BA: 48





Ebol



Pinus



Eyon

**Paganakan
di Josli**



Josli



Pina

Iti nopo nga' paganakan di Josli. Dokutul i tapa' disio. Tina' nopo disio nga' noos. Poinkalaja yolo id Lamin Pongusapan Keningau. Tolu tulun yolo mogiobpinai. Tabang nopo dau nga' kiumul do siam toun. Hopod toun umul di taka' disio. I Josli nopo nga' kiumul turu' toun. Isio nopo nga' tadi' di tohuri no. Poingion yolo id Taman Luagan Keningau. Poinsikul yolo id SK. Luagan Keningau. Oopus toomod i Josli do paganakan dau.

Nuut Mongingia'

- Tudukan o tangaanak mambasa'om mongija' boros tumanud putul boros.

2.1.2 (v)
2.2.2 (v)
BA: 49





Kinongoho' om Basao'

Paganakan Misompuru


Au no alaid, orikot nodi tadau Deepavali. Mogiuhup-uhup no o paganakan di Dewi momolidang om poposindak do lamin.

1.



Momihid do soromin i **tabang** di Dewi

2.



Papasawit do tabir i **tapa'** di Dewi

3.



Mongulud do **bunga** i **tina'** di Dewi.

4.



Mongimuhau i Dewi do rinomos.

5.



Mongidu do siowuk i **tadi'** di Dewi.

6.



Ounsikou ginawo disio tu nolidangan lamin disio.

Nuuf Mongingia'



- Tudukan o tangaanak mambasa' do boros kiwarana.
- Nunu aktiviti paganakan dikogu ontok timpu toliwang?

2.2.5 (iv)
BA: 50



Bado do Otiil

Id suang talun poingion sampaganakan **bado**.
Tanak nopo di bado nga' i Bobo.






Odoi, ina' opodos **kabang** ku!



Nokuro tu **nakan** nu iti?
Iti nopo nga' **lado**. Opodos.

Na. Inumo iti **waig**.



Siou no apa' om ina'.
Au oku nodi otiil.

Ino no dia' Bobo.
Au ko mokinongou.

Nuut Mongingia'

- Tudukan o tangaanak mambasa' sorita.
- Sunudan o tangaanak kokomoi boros mintootoiso.

5.3.1
BA: 51



Basao' om Suato'

Paganakan di Siti



Iti nopo nga' paganakan di Siti.

I tapa' nopo disido nga' manarab do sakot.

I tina' nopo disido nga' mananom do bunga.

I tabang nopo disido nga' mongisas do parit.

I taka' nopo disido nga' momihid do soromin.

I Siti nopo nga' mongimuhau do roun.

Simbaro'.

1. Isai manarab do sakot?

I _____ manarab do sakot.

tapa'

tina'

2. Isai mananom do bunga?

I _____ mananom do bunga.

taka'

tina'

3. Isai momihid do soromin?

I _____ momihid do soromin.

tabang

taka'

Nuut Mongingia'

- Suhuon o tangaanak mambasa' do teks.
- Mogiboboros kokomoi do gambal.
- Suaton kawagu ponguhatan id buuk ponuafan.



Pisudongo' 🍌

Kaanangan Paganakan di Siu Lan.



1. Aanangan i tapa' di Siu Lan

• mimbosikol id natad.

2. Orohian i tina' di Siu Lan

• magapon id bawang.

3. Oporokis i Siu Lan

• momolukis gambal
tayam.

4. Abaal i tadi' di Siu Lan

• mananom bunga.

do



Nuuf Mongingia'

Miuhot om misimbar kokomoi kaanangan id timpu toliwang.

3.2.3
BA: 53



Momonsoi Poster



Paganakan Ku



Laang 1 :
Lukiso'



Laang 2 :
Lukiso' gambal paganakan.



Laang 3 :
Waranao'



Paganakan ku
tosuau.



Nuuf Mongingia'

Tudukan o tangaanak momonsoi poster.

4.3.2 (iii)
BA: 54



KAKAMOT ID KALAS



Pogibaabarasai



Ingkukuro kalas wagu ku?



Nuut Mongingia'

- Uhofon o tangaanak kokomoi kakamot suang kalas di kaanangan diolo. Nokuro?

1.3.2 (ii)
1.4.2




Sorisido' om Intutunai 

Kelas Ku Abad Ke-21



Iti nopo nga' kalas di Hani.
Ngaran nopo kalas disio nga' Toun 1 Olidas.
Ogumu kakamoŋ id kalas disio.



Nunu sogu nu kokomoi kalas di Hani?
Roito' ngaran kakamot id kalas di Hani.

Nuut Mongingia'

- Suhuon o tangaanak monorisid gambal id sawat.
- Suhuon o tangaanak minsingumbal miuhot om misimbar miampai tambalut kokomoi kakamot mantad gambal id sawat momoguno ayat diolo sondii.


1.2.2 (vi)
1.5.2 (ii)
BA: 55



Ijao'



Kakamot id Kalas.



jaam tolig



glob



poyanan
siamut



televisyen



komputer




iikon



lamari



mija' om tirikohon



Nuut Mongingia'

- Suhuon o tangaanak mongija ngaran kakamot id gambal.
- Suhuon o tangaanak papatayad boros kokomoi ngaran kakamot id kalas diolo sondii id buuk ponuatan.
- Minsingumbal monguyad boros kokomoi ngaran kakamot momoguno ayat mintootoiso.



Basao' om Polombuso'



Nunu kakamot id beg?



Pisingkanaai.

- Piro pinsil id suang beg nu?
Haro  pinsil.
- Piro tutuku' id suang beg nu?
Haro  tutuku.

Nuuf Mongingia'



- Uhoton o tangaanak nunu kakamot id suang beg diolo sondii.
- Suhuon o tngaanak minsingkono pibarasan id sawat momoguno ngaran kakamot suai id beg diolo.
- Kawasa do alanan ngaran kakamot suai ngaran di kiwarna.

2.2.2 (vi)
1.3.2 (ii)
BA: 56





Kooturan Id Kalas.



Mongulud buuk

- Miuhip i Dewi om i Siu Lan mongulud do buuk.
- Pinoopi diolo id rak buuk di nokosodia.

- Tonudo' no jadual kalaja id kalas.
- Poopio' timuhau id poyanan di nokosodia.



Jadual kalaja

- Kada pingkoringau ontok timpu balajal.
- Pantango' tokou no mongingia'.



Timpu balajal

- Kada lihuai momisok suis pogulu muli.
- Kikito' o kopomogunaan do lotirik.



Momisok suis

Nuut Mongingia'

- Suhuon o tangaanak miampot do mambasa' ayat id sawat miampai ohou di opuhod om kopomoraitan di kotunud tumanud ponontudukan.
- Suhuon o tangaanak popolombus woyo toluud.
- Uhoton o tangaanak nokuro tu oponsol tumanud kooturan id kalas.

2.2.4 (iii)
1.4.3
2.4.1



Basao'

Kanou Mamain



Iso', duo, tolu
igitai buuk.



Apat, limo
imuhao' siamut.



Onom, turu', walu'
irikau tosonong-sonong.



Siam, hopod
boboo' beg.

Nuut Mongingia'

- Tudukan o tangaanak karaaralano' pomoinan diti.
- Pilon songulun tanak mambasa' ayat id sawat. Suhuon o tangaanak suai momonsoi aktiviti tumanud ayat di nabasa. Kawasa poindalanon maya tinimungan.




2.4.3
1.4.3

BA : 57



Pomonsoi Ayat



Poomitanan:

- 1. Momolukis, i Soon Lee, momoguno do pinsil,
- (Boros maan+ Subjek + Objek)

1. Monuku i Hani momoguno _____ 

2. Mamalawis i Dewi momoguno _____ 

3. Momulas i Adi momoguno _____ 

4. _____ 

Nuut Mongingia'

- Suhuon o tangaanak mogihum sisimbar mantad peta pomusarahan.
- Suhuon o tangaanak monuat kawagu aktiviti id sawat id buuk ponuatan.



Suato'

Yoku Om Pupulas

- Pinsil** : Ulas, siou kio.
- Pupulas** : Nokuro tu mononsiou ko doho, Insil?
- Pinsil** : Poporuol oku kasari dika. Monguhup ko kasari doho momugas nung au kotunud ponunuat ku. Tinan nu nga moro-koro no tikid tadau.
- Pupulas** : Otopot ii...nga' au oku insan do tumongob.
- Pinsil** : Osianan oku tomod dika bo.
- Pupulas** : Iti no tonggungan ku, monguhup dika soira haro pokiuhupan nu.
- Pinsil** : Ounsikou ginawo ku tu haro tambalut miagal dika, Ulas.
- Pupulas** : Yoku nga' oondos ginawo tu kaanu monguhup dika. Miagal no diti o piombolutan tawasi.
- Pinsil** : Hi hi hi hi... otopot no kopio.

(Sopirak-irak podii ii pinsil om i pupulas do ounsikou)

Uhoton o tangaanak woyo toluud i aanu mantad teks pibarasan id sawat.



Nuut Mongingia'

- Pointutunan om tudukan o tangaanak momoguno format ponuatan pibarasan di kotunud.
- Suhuon o tangaanak mambasa' teks pibarasan id sawat miampai ohou om kopomoritan di kotunud.
- Suhuon o tangaanak minsingumbal monuat format ponuatan pibarasan momoguno watak kakamot suai i kaanangan diolo id buuk ponuatan.

3.3.1 (iii)
2.2.5 (iii)

BA: 59






Momonsoi Kakamot



Kakamot : Kalatas pomolopot tutungkap, gaam, gunting, kutak, sisiop, burus saat, saat warana opurak.

Mija' Tonini


1.




Guntingon o kutak bontuk ourod. Saaton warana opurak. Potuuhon.

Putulon sisiop kumaa 4 patod. Konoruon 2 toi ko' 3 inci.

2.



3.



Posokoton o sisiop id kutak momoguno gaam ponokogakod do mija'.

Lopikan do kalatas pomolopot tutungkap tumanud kaanangan sondii.

4.



Nuuf Mongingia'

- Pokionuan o tangaanak mokinongou karaaralano' momonsoi mija' tonini.

4.4.1 (i)
4.4.2
4.4.3

BA: 60



Kanou Modsinding


Audio 14



Tayam ku

Tikid tadau, tikid tadau,
 orongou, orongou,
 manuk mingkukuuk,
 manuk mingkukuuk,
 kukuuk, kukuuk.

tasu do mongusig - wow, wow, wow
 putik mangakaak - kuek, kuek, kuek
 sapi do monguni - moo, moo, moo



Kukuuk

moo, moo

wow, wow

miau, miau

kuek, kuek



Nuut Mongingia'

- Sindingon sinding tumanud audio.
- Suhuon o tangaanak mongolon do boros i kiwarana obulou momoguno tuni tayam suai.
- Suhuon o tangaanak ngawi mogibooboros kokomoi tayam id sinding.

1.1.2 (vii)


1.2.2 (vii)



Kinongoho' om Pogibaabarasai

Audio 15 (a)
Audio 15 (b)



1. Isai ngawi mogibooboros i norongou dikoyu?
2. Isai ngaran tanak i otil id susuyan dii?
3. Poingkuro koimaan di Jona kumaa do tayam ngawi?
4. Nunu kinaantakan id disan do bawang?
5. Isai minanakadai di Jona?
6. Nunu woyo toluud i aanu mantad susuyan diti? 

Nuut Mongingia'

- Porongohon i tangaanak do audio.
- Miuhot om misimbar kokomoi di audio norongou momoguno do teks ponguhatan id sawat.
- Kawasa do ruhangan o ponguhatan fumanud kreativiti do mongingia'.



Ijao' om Basao'

Audio 16



sapi

kalabau

tasu

ansa

putik



Iti nopo nga' kampung di taki ku. Ogumu tayam gompion dau. Kiwaa kambing, sapi, kalabau, labit om susuai po. Momogompi nogi isio do tasu om tingau. Aanangan oku muli id kampung. Ogumu tayam tokito ku.

Nuut Mongingia'


- Tudukan o tangaanak mongija' tumanud putul boros.
- Mogibooboros kokomoi ngaran, taakanon om tuni do tayam.



Basao' om Uludo o Gambal



I Mamai Ligong nopo nga' songulun momuumukabun. Kiwaa o kabun kinotuan dau i toluub. Ogumu o tootonomon dau. Ogumu nogi o tayam ginompi disio. Kiwaa manuk, putik, sapi, kalabau, labit, kuda om kambing. Kiwaa nogi tasu om tingau mongoruhang dau id kabun. Tamangan om sumadon di Mamai Ligong i tongotayam dau tawawasi. Kiwaa di akanon toi ko' gunoon do morobuat miagal kalabau. Kiwaa nogi pataranon disio id tomu. Kaanu isio do tusin montok popoburu do paganakan dau.



1 Tamangan om sumadon tawawasi o tongotayam.



2 Papataran i Mamai Ligong o tongotayam dau id tomu.



3 Kiwaa tongotanom om tongotayam id kabun di Mamai Ligong.



4 Iti nopo nga' i Mamai Ligong.

Nuut Mongingia'

- Suhuon o tangaanak do mambasa' do teks. Mogibooboros kokomoi do teks nabasa.
- Suhuon o tangaanak poposunud om mongulud dilo gambal tumanud teks. Suhuon o tangaanak mambasa' kawagu ayat di noulud.



2.3.4
2.4.3




89



Iloo' Boros Mintootoiso

Boros mintootoiso nopo nga boros di au nosugkuan, kirati om aiso pongohulitan.



Poingion i taki om i todu' ku id Kampung Diompong. **Kiwaa** o **sulap** tonini diolo. Momogompi yolo do **tasu** om **tingau**. Kiwaa nogi piipiro po tayam suai i gompion diolo miagal ko manuk, putik, om kambing. Aanangan oku muli id kampung di taki om todu' ku tu ogingo o kokiikitanai.

Suato' kawagu boros mintootoiso mantad teks i nabasa 

Poomitanan:

1. **kiwaa** 2.  3.  4. 

Posuato' kawagu boros mintootoiso i suai mantad boros kiwarana tarangang.

1.  2.  3. 

Nuut Mongingia'

- Parotion o tangaanak kokomoi boros mintootoiso.
- Suhuon o tangaanak mambasa'om monuat do boros mintootoiso i kiwarana do tarangang id teks.
- Suhuon o tangaanak momili om monuat piipiro po wagu boros mintootoiso mantad teks.

5.3.1






Iloo' Kopomoroitan Ginumu



songinan kalabau

Kiwaa songinan kalabau di tapa' ku.

songinan




sambaanan

sambaanan sapi

Mogkotop ilo sambaanan sapi hilo kobuturan.


songkukurungan



songkukurungan manuk

Momogompi i tina' ku songkukurungan manuk.

sampaganakan



sampaganakan putik

Mogihum ilo sampaganakan putik do taakanon id botung.

Nuut Mongingia'

- Tudukan o fangaanak mongintutun do kopomoroitan ginumu.
- Suhuon o fangaanak manahak kopomoroitan ginumu i noilaan diolo

5.5.2

BA: 66

91



Kanou Monuat Susuyan

Hizab di Feni

1. Pangaan Ponogulu



Abagos i Feni monguhup di tina' dau id kabun pomutayaman.

2. Tonsi susuyan



Mongoi isido papataran do gatas sapi id tomu. Momusorou i Feni do tusin di aanu dau. Momoli do piak. Padagangan dau do agayo po. Aanangan isido dumadi do mongingingindapu.

3. Tonsi susuyan



Prangg...! Nakatabpo i Feni. Notuntug ngawi i gatas sapi.

4. Kolimpupuson



Mihad i Feni tu aiso nodii gatas sapi. Au nodii nokolombus o hizab di Feni.

Nuut Mongingia'

- Tudukan o tangaanak karaaralano' monuat susuyan.



Pilio' om Suato' Kawagu

I Feni



tanak di

abagos

oobul

Monguhup isido di tina' dau id kabun



pomutayaman

bunga

. Papataran i Feni do gatas sapi

id



tomu

sikul

. Osorou nodi di

Feni o



butul

tusin

taanu-anu dau.

Kasadu no i Feni.



Nababak

Narapa

o butul gatas sapi. Tuminongob i Feni.

Nuut Mongingia'



- Suhuon o tangaanak mambasa do teks om suaton kawagu teks diti id buuk ponuatan diolo.
- Uhoton o tangaanak kokomoi topurimanan diolo dii kowo-woyoon au osonong di Feni.

3.3.4

BA: 68



Sundait Tayam

Kigakod oku apat,
Kiwulu o tinan ku,
Mangakan oku tikus,
Roito' nunu ngaran ku?

Apat bogia gakod nu,
Osindak o wulu nu,
Mayon ko nogi tulun,
I tingau i ngaran nu.

Kitalad o tinan ku,
Kigakod oku duo,
Koilo oku lumoyog,
Isai bogia ngaran ku?

Alaab o tinduk nu,
Mangakan nogi' sada,
Mangakaak o tuni nu,
I putik o ngaran nu.



Nuut Mongingia'

- Parongohon o tangaanak do audio sudawil "Sundait Tayam".
- Uhupan o tangaanak monupu sudawil do tayam suai om sudawilon.

4.2.1 (iv) a



TAYAM TOLIAS



Pogibaabarasai



Nuut Mongingia'

- Suhuon o tangaanak mogibaaboros kokompi sarkis om tayam i okito id sarkis.
- Suhuon o tangaanak popouni tuni do tayam tolias i narait do mongingia'.
- Uhofon o tangaanak nunu o topurimanan diolo nung koongoi intong do sarkis.
- Uhofon o tangaanak nunu tayam tolias i kaanangan diolo. Nokuro?

1.1.2(vii)
1.2.2(vii)

BA : 69



Ijao' om Basao'



godingon



tambang



kogiu



wutun

TAYAM TOLIAS



rimau



mondou

Nuut Mongingia'

- Suhuon o tangaanak mongija'ngaran do tayam.
- Miuhot om misimbar kokomoi tayam id sawat.

2.1.2 (vii)

2.2.2 (vii)

BA: 70, 71 & 72



Ihumo' om Suato'

Ihumo 6 tayam tolias i poinlisok. Posuato' id buuk ponuatan.



Nuut Mongingia'



- Suhuon tangaanak mogihum 6 tayam tolias i poinlisok.
- Suhuon tangaanak poposuat ngawi di tayam id buuk ponuatan.

2.1.2 (viii)
2.2.2 (viii)





Basao'



Iti nopo nga' godingon.
Agayo o tayam diti.
Anaru o todung om duo o gading dau.
Aanangan o godingon mangakan do tobu.



Iti nopo nga' kogiu.
Anaru longon do kogiu.
Kiwulu tinan do kogiu.
Aanangan o kogiu mangakan do punti.



Iti nopo nga' rimau.
Orin om kiburis do oitom o tinan dau.
Atarom o sondulu do rimau.
Aanangan o rimau mangakan do daging.



Iti nopo nga' buayo.
Apasi o buayo id waig om id tindal.
Atarom nipon do buayo.
Anaru nogi tinan om rongus do buayo.

Nuut Mongingia'



- Suhuon o tangaanak do mambasa' miampai pomoroitan di kotunud.
- Miuhot om misimbar kokomoi tayam id sawat.
- Uhoton o tangaanak poingkuro do momogompi do tayam tolias.




Basao'



1. Iti nopo nga' susuyan kokomoi tolu tinan bado. I Bidi, i Diki om i Gidi. I Bidi obinguhup. I Diki obintoluod nga' i Gidi nopo osingot kopio. Insan tadau minogibooboros yolo do mibai' momonsoi lamin di ogirot.




2.



Pomonsoi dii i Bidi do lamin momoguno do kayu i au apagon o gatang.

3.



I Diki nopo nga' minomonsoi momoguno do watu. "Mulong tu apagon watu nga' ogirot i lamin", ka dau.

4.



I Gidi nopo, orosian aawi tusin dau. Pomonsoi nodi isio do lamin momoguno do sisiop tinumon.

5.



Au alaid mantad dii, korikot no i tongus topuhod. Praangg..! kotilib no taap lamin di Bidi. Braaaasss..! Kouyas wagu lamin di Gidi. Monosol toomod i Bidi om i Gidi do oindamaan mogkikit. Monosol nga aiso nodii o guno.

Nuut Mongingia'



- Porongohon o tangaanak do audio.
- Suhuon o tangaanak mambasa' do susuyan.
- Miuhot om misimbar kokomoi susuyan di nabasa.
- Suhuon o tangaanak popolombus woyo toluud i aanu mantad dilo susuyan.






Iloo' Boros Mintootoiso



Boros Mintootoiso nopo nga' boros di au' nosugkuan om aiso pongohulitan.

Poomitanan: o, i, om, id, daa, baas, sulap, wulanut, godingon om suusuai po.

Boros di kiwarana do **obulou** nopo nga' poomitanan suai do boros mintootoiso. Panahak kou poomitanan do suai.



- jirafa
- kiwotik sokulat
- roun



- godingon
- obuhog
- tobu



- rimau
- kiburis orin om oitom
- daging

Poomitanan:

Ngaran : Jirafa

Warana : Kiwotik
sokulat

Taakanon: Roun

Ngaran : _____

Warana : _____

Taakanon: _____

Ngaran : _____

Warana : _____

Taakanon: _____

Nuut Mongingia'

- Poilo'on o tangaanak nunu komoyon do boros mintootoiso.
- Suhuon o tangaanak manahak pipiro poomitanan pogulu do monuat.
- Suhuon o tangaanak monuat sisimbar id buuk ponuatan.
- Suhuon o tangaanak mogihum Boros Mintootoiso do suai.



Inimoto' om Gonopo' 🧠

KANOU MONGOI INTONG DO TONGOTAYAM ID SARKIS!!

SARKIS

Kinoyonon: Tadau Wulan:
Stadium Likas 5-8 Milau

Timpu:
08:00 - 10:00 dounsodop

Gatang Tiket:
Nosukod - Rm 20.00
Tangaanak - Rm 10.00



**RIKOT KOU NO. INTANGAI O KOWOOWOYOO'
DO TONGOTAYAM NGAWI DITI.
ISO' POKIIKITANAN DI POIMPIDAN!**

Abaabayan:		
Tadau wulan:		
Kinoyonon:		
Timpu:		
Tikit Sumuang	Nosukod :	
	Tangaanak:	

Nuuf Mongingia'

- Suhuon o tangaanak do monginomot do iklan kokomoi do sarkis.
- Miuhot om misimbar kokomoi do jadual id sawat.
- Suhuon o tangaanak momogonop jadual om suaton kawagu id buuk ponuafan.

3.3.1(ii)
2.3.1(i)
2.3.3



Suato' Kawagu



Di minggu nakatalib minongoi i Siti om paganakan disido hilo id Zoo Lok Kawi. Noimayaan tomod ginawo diolo nokokito di tongotayam.

Kiwaa



godingon

mondou

mondou

rimau

om sesuai po.

Nokokito nogi yolo do



. Anaru o liou dau

kogiu

jirafa

gisom orikot dau mangakan i roun id tuntu do kayu. Suai ko' ii,

kiwaa nogi o



nointutunan sabaagi do raja

mondou

tambang

talun. Minokigambal nogi yolo. Awasi tu kiwaa zoo. Iri no tionon do pomogompian om pongumoligan do tongotayam i mimpuupunso nodii. Ounsikou yolo tu nokosawat minongoi intong di tongotayam.


Nuut Mongingia'

- Suhuon tangaanak mambasa' do teks.
- Suhuon tangaanak momili' om papadaliln gambal kumaa boros.
- Suhuon tangaanak monuat kawagu teks id buuk ponuatan.




I Bosing om I Rokot.

Kiwaa duo tambalut i miupus kopio. Yolo nopo nga' i Bosing om i Rokot. I Bosing nopo poingion id talun om i Rokot id bawang.



Insan tadau, nangatan di Bosing i Rokot mion miampai dau hilo id talun. Tanud no i Rokot di Bosing. Au' alaid mantad dii, guli no i Rokot id bawang. Au' katahan yau tu alasu om au' kopuhobo' id tindal. Angatai no kawagu di Rokot i Bosing do mion id bawang. Minumboyo i Bosing. Oruhai om tindal no i Bosing tu au' nogi' kopuhobo' id suang waig.



Oruol ginawo diolo ngoduo tu au di kopiiso. Pibatos no yolo do toriirimo do miambalut naamot do olidang po bawang om ogompi o talun. Alasan yolo do ogompi no daa o posorili do talun om kolidangan do bawang tu iri no popogirof do piombolutan diolo.



Nuuf Mongingia'



- Suhuon o tangaanak mingsingkono dilo tangan.
- Uhofon o tangaanak nunu kaantakan do tayam nung au ogompi kolidangan do talun om waig.



UNIT 2: MUMPONGOL (bolikan 9)



Siti : Kopiwosian minsosodop, Hani!
Nunu abal nu?

Hani : Kopiwosian minsosodop nogi doid diau, Siti.
Awasi.

Siti : Kanou manangkus, Hani.

Hani : Baa. Kanou no.



UNIT 5 : TAMBALUTKU (bolikan 38)



Teks Popointutun

Hai,
Yoku nopo nga' i Henri.
Mantad oku id Penampang.
Aanangan oku do momolukis.

Kopiwosian.
Yoku nopo nga' i Soon Lee.
Turu' toun o umul ku.
Poingion oku hilo id Taman Melenium.
Aanangan oku mimbosikol.

Hai,
Ngaran ku nopo nga' i Siti.
Turu' toun nogi o umul ku.
Aanangan oku mananom do bunga.

Kopiwosian nogi.
I Rajan o ngaran ku.
Aanangan oku mambasa' buuk.






UNIT 7: KOLIDASAN TINAN (bolikan 56)

OLIDAS TINAN, OPUROKIS POMUSARAHAN

RENCANA

Oponsol tokou momogompi kolidasan tinan sondii. Haro piipiro karaaralano' momogompi kolidasan do tinan. Mangakan tokou no do taakanon di kolidas tumanud Piramid Taakanon. Tonudon tokou nogi karaaralano' pangangakan di kotunud. Kada tokou nogi kolihu minguyat tinan intolu' sominggu. Suai ko' ii, gompion tokou no kolidangan do tinan. Modsu tokou induo sangadau. Pompodon o sondulu om momoug palad pogulu do makan. Mantad no dii, gompio' om gatango' tokou no kolidasan do tinan sondii. Olidas nopo tinan nga' opurokis pomusarahan tokou.





UNIT 10 : TAYAM GOMPION (bolikan 86)

Teks Pibarasan : Upuso Tayam

- Tapa' : Anni, Adi, nunu mangan dikoyu ngoduo id siriba?
Anni : Popotinduk oku do manuk, Apa'.
Adi : Monumad oku do kambing, Apa'.
Tapa' : Na, awasi no do ingkaa. Upuson no dikoyu o tayam.
Anni om Adi : Nokuro tu moboros ko do ingkaa, Apa'?.
Tapa' : Ba. Irikau kou hiti. Kinongoho' dikoyu susuyan ku diti.

Di pogulu i, kiwaa songulun tanak kusai i ofiil kopio. I Jona ngaran dau. Au isio aanangan do tayam. Poimamangon nopo disio sontob tayam i koinsomok dau miagal do tasu, tingau, manuk, putik om suusuai po. Insan tadau, minongoi I Jona id disan do bawang. Naamot disio do mamananau, tigog po om kotompisal no do watu om.. 'buuk!' ka. Potilobuk isio naratu id bawang.

Mapoi - kapoi po isio do mokiuhup tu au koilo lumoyog. Aiso songulun do nokokito disio. Maamaso isio mingiak, tigog ka om kopurimanai di Jona do kiwaa mamagayat disio kuminaa id disan do bawang.

Nokotigog isio tu ii kopio tasu i asaru do undosoon do pinopotindal dau. Nosudu toomod o ginawo disio do koimaan dau di taraat. Mantad no dii, au di popoimamang i Jona do tayam.

- Anni : Mada oku tumanud kowoowoyoo' di Jona dii, Apa'.
Osisian o tayam mangan dau.
Adi : Upuson ngawi dahai o tayam dilo.
Tapa' : Awasi no do ingkaa Anni om Adi. Gompion om upuson tokou o tayam. Kosomuli ngawi yolo dotokou.
Anni om Adi : Oo' no Apa'.



Dengan ini **SAYA BERJANJI** akan menjaga buku ini dengan baik dan bertanggungjawab atas kehilangannya serta mengembalikannya kepada pihak sekolah pada tarikh yang ditetapkan.

Skim Pinjaman Buku Teks

Sekolah _____

Tahun	Darjah	Nama Penerima	Tarikh Terima

Nombor Perolehan: _____

Tarikh Penerimaan: _____

BUKU INI TIDAK BOLEH DIJUAL